



**ATA OFISIAL DI RIUNION VIRTUAL
DI KUMISON DI SKOLA DI BOSTON**

21 di Junhu di 2023

Kumison di Skolas di Boston realiza un riunion virtual na 21 di Junhu di 2023 pa 5 p.m. na Zoom. Pa ten más informasons sobri kualker un di itens listadus di baxu, vizita www.bostonpublicschools.org/schoolcommittee, email feedback@bostonpublicschools.org ou liga pa Boston School Committee Office na número (617) 635-9014.

PRIZENSA

Menbrus di Kumison di Skola Prizentis: Prizidenti Jeri Robinson; vice-prizidenti Michael D. O'Neill; Brandon Cardet-Hernandez; Lorena Lopera; Rafaela Polanco Garcia; i Riprizentanti di alunus Alternativa, Ophilia Anis.

Menbrus di Kumison di Skola Auzentis: Stephen Alkins, Quoc Tran; i riprizentanti di alunus Diego Mehta.

DUKUMENTUS APRIZENTADUS

Agenda

Ata pa Aprovason: 7 di Junhu di 2023

Rilatóriu di Superintendenti PowerPoint: Skolas di Transformason

Subsídus pa aprovason ku total di \$3.754.624

Doasons In-Kind ku um Valor Total Istimadu di \$20.000

Ata di Akordu entri Assosiasion di Administradoris i Supervizoris di skolas di Boston (BASAS) i Kumison di Skolas di Boston pa piriudu di 1° di Sitenbru di 2020 31 di Agostu di 2022

Ata di Akordu entri BASAS i Kumison di Skolas di Boston pa piriudu di 1° di Sitenbru di 2022 31 di Agostu di 2024

Ata re: Pididu di Dotason Suplimentar di AF23 na valor di \$1.705.142 pa apoia Ata di Akordu entri BASAS i Kumison di Skolas di Boston pa piriudu di 1° di Sitenbru di 2022 31 di Agostu di 2024

21 di Junhu di 2023

XAMADA A ORDEN

Prizidenti Jeri Robinson konvoka riunion pa ordi i lidera kumprimissu di lealdadi. Sra. Sullivan fazi xamada di prizensa. Dr. Alkins, Sr. Tran i Sr. Mehta staba auzentis. Sr. O'Neill partisipa di riunion imidiatamenti dipós di votason nominal. Tudu otus menbrus staba prizentis.

Sra. Robinson fla ki riunion di és noite staba ta ser transmitidu au vivu na Zoom. Ta ser ritransmitidu pa Boston City TV. També ta ser publikadu na bostonpublicschools.org/schoolcommittee i na YouTube. É anunsia ki é staba dispunivil sirvisus di interpretason simultânea na Spanhol, Krioulo Aitiano, Cabo-Verdiano, Vietnamita, Cantonês, Mandarim I Língua Gestual Americana (ASL) i ta da instrusons sobri modi ki ta asedi pa interpretason simultânea na altera kanal Zoom. Dukumentus di riunion traduzidus foi publikadus na www.bostonpublicschools.org/schoolcommittee antis di inísio di riunion.

Sra. Robinson resebi riprizentanti di alunus alternativa Ophilia Anis ki substitui Diego Mehta.

Sra. Robinson fla ki, na riunion di Kumison di Skolas di 7 di Junhu di 2023, Kumison obi tistimunhu publiku di várius pessoas na pidi pa Kumison pa fazi un diklarason na apoiu pa edukadoris ki ilabora kuríkulus ki ta dizafia alunus pensa kritikamenti. Dés di inton, é tem stadu involvidu na konversas produtivas ku alguns di palestrantis na um isforsu pa preni más sobri sés priokupasons. É fla ki é ta manti Kumison i kumunidadi atualizadus na midida ki és konversas ta kontinua.

Sra. Robinson da un brevi atualizason sobri pruposta di pulitika di admison di Madison Park Technical Vocational High School ki foi aprizentadu pa Kumison na 24 di Maiu di 2023. Menbrus di kumison ta labanta priokupasons di ki pulitika pruposta tem putensial di kria bareras não intensional pa nós alunus i famílias. É pidi pa ikipa di admisons ki riviza pulitika i fazi ajustes pa simplifika prusesu di inskrison, na garanti ki alunus sabi ki Madison Park ta da i ki és kria frikuenta un skola téknika prufissional. Ikipa ta involvi ku partis interessadus duranti veron i, dipós, ta trata un pulitika rivizadu di volta pa Kumison di Skolas na Sitenbru pa un votason antis di prazu di 1º di Otubru di stadu.

Sra. Lopera anunsia ki és noite ta ser bu último riunion di Kumison di Skolas, dja ki és sta dexa Kumison di Skolas di Boston pa passa más tempu ku sé jovem família. É aseita um novu kargu komu Vice-Prizidenti di Prumuson i Rilasons Isternus di EdVestors. É agradezi pa Kumison, pa Superintendenti Skipper i pa Prefeito Wu pa sé apoiu i lideransa i ispresa sé apresu pa ikipa i famílias di BPS. Menbrus di Kumison agradezi pa Sra. Lopera pa sé sirvisu i dijejas boa sorti na sés novus imprendiduras.

APRIZENTASON DI SITASONS: KONSELHU KONSULTIVU DI ALUNUS DI BOSTON

21 di Junhu di 2023

Prizidenti Robinson aprizenta sitasons pa siguintis graduadus di Skolas Públikus di Boston (BPS) ki sta tirmina sés mandatus komu líderes alunus ku Boston Student Advisory Council (BSAC):

- Muna Abanoor, Skola Horace Mann pa Surdos i Difisientis Auditivus
- Hlaa Ahmed, Akademia di Lideransa Kumunitária di Boston
- Alaa Al Ramahialaa, Boston Latin Academy
- Lizzelys Cordero Sanchez, Boston Community Leadership Academy
- Layla Fortunato, Boston Community Leadership Academy
- Saraphina Jean, Boston International High School
- Khasim Saeed, Boston Community Leadership Academy

Sra. Robinson agradezi Dennisse Rorie, direktor di Gabinete di Lideransa Juvnil, pa apoia líderes alunus.

APROVASON DI ATA DI RIUNION

Aprovadu – Na votason nominal, Kumison aprova pur unanimidadi ata di riunion di Kumison di Skolas di 7 di Junhu di 2023.

RILATÓRIU DI SUPERINTENDENTI

Konformi priparadu pa intrega:

Obrigadu, Prizidenti Robinson, i boa noite. Na primeiro lugar, um grandi parabéns tudu nós seniores ki sta na sés próximu kapítulu. Nu ka podi sta más orgulhous di bó i mal nu podi spera pa odja tudu ki bu ta realiza sigui! M sta txeu feliz pa nu podi silebra ku bó i tudu bus konkistas és noite.

Komu nhos sabi, meus di kumunikason susial partilhara onti ku famílias di skolas sikundáriu di English, Burke i Brighton ki un mudjer adulta inskrevi komu alunus na uza identifikason i dukumentason falsifikadus. M sta fundamenti priokupadu ku faktu di um adultu puder kebra kunfiansa di nós kumunidades di skolas na fazi passa pa alunu. Ta trata di um kazu di fraude istremamenti sofistikadu. Sim ki funsionarius di BPS identifika iregularidadis na matríkula di alunus, kazu foi inkaminhadu pa pulisia di Boston, ki gosi sta realiza un invistigason kriminal. Na és mumentu, M ka podi kumenta más, un vez ki keli kontinua ta ser un invistigason atual, mas M kré agradezi pa funsionarius di BPS ki deteta keli i agi rapidamenti i pa pulisia di Boston pa ter inisiadu un invistigason imidiatu. Nu ta da atualizasons adisional si informasons relevantis sta dispunivil através di invistigason i, modi nu ta fazi ku kualker insidenti gravi, nu ta analiza tudu nós sistemas i prusesus.

Na midida ki nu insera és anu letivu, nu sta na prusesu di finaliza tudu nós planus pa prugramason di veron. Ikipa trabadja txeu duro pa garanti um veron prudutivu i divirtidu di

21 di Junhu di 2023

aprendizadu i ganhus. Imbora inskrisons pa veron ta kontinua duranti primeru simana di prugramason, M sta animadu ku forma di modi ki inskrisons sta forma. Pur izenplu:

- Na nós oportunitadís iletivus di 5º trimestri, nu tem más di 5.690 alunus inskritus; na anu passadu, nu kumesa veron ku 4.100!
- Nós prugrama di Anu letivu Perlongadu (ESY) sta privé serka di 4.800 alunus na partisipa di prugramason, i,
- Atualmenti, nu tem kuazi 3.000 alunus matrikuladus na rikuperason di kréditus di ensinu médio i 300 na nós prugrama di inisiativa di skola di izamis.

Katorze prugramas també ta oferesi oportunitadís más inklusivas pa nós alunus. És prugramas é lideradus por skolas i parseiros, komu Lee Steam Ahead, ki é um parseiro ki ta abraza jovens akadêmikus ki é inventores i sientistas ki kré kriad mudansas dentu di sés kumunidades.

Otu parseiro é Fresh Films, ki ta oferesi pa alunus ispiriênsias sobri arte di fazi sinema, na pruduzi kurtas-metragens, videoklipés, dukumentárius i muito más, i na da ispiriênsias ku ikipamentus di filmagem, sima kâmeras, mikrofonés boom, iluminason i dispuzitivos di gravason di áudio. Tudu és oportunitadís di inkluzon sta lokalizadas na skolas undi ESY sta ser oferesedu, pa nu podi binifisia di apoiu na lokal. Na midida ki nu ta ispandi pur além di Fazi 1, nu sta ta involvi más parseiros ki dja sta apoia alunus ku difisiênsia pa kria opsons más inklusivas pa nós alunus. Também M kré da um gritu pa nós parseiros ki sta oferesi oportunitadís di ganho na és veron. Sidadi di Boston, State Street i ABCD ta da oportunitadís di ganhos di veron pa kualker alunu ki ta mora na Boston i nós kulaborason di longa data ku Konsehu di Indústria Privada leva és anu más di 2.000 alunus BPS kolokadus na oportunitadís di ganho na tudu sidadi. Nu sta animadus i prontus pa veron!

Dipós, M kré da un atualizason sobri implimentason di MassCore. Pulitika foi aprovalu na anu passadu pa garanti ki nu ten mesmus padrons i ispetativas na tudu nós skolas di ensinu médio pa prepara nós alunus pa vida i kareira. Nu sta kumprimitidus na uza rikizitus di graduason di MassCore komu un feramenta pa um maior dizimpenho pa tudu alunus di BPS. És anu foi um anu di aprendizagem pa distritu i pa skolas, un vez ki nós atual alunus di 9.º anu, turma di 2026, é primeira turma ki ta bai forma pa abrigo di és novu pulitika. Ainda nu ka tem notas di nós alunus di primeiro anu, mas assim ki anu letivu termina i tudu séries foi inseridas, nu da Kumison di Skolas un atualizason na próximu outono sobri prugressu em rilason a sés rikizitus di graduason. Nu ta antisipa nisisidadi di diskuti alguns pusivil kaminhos alternativos pa graduason pa sertos grupus di alunus, spisifikamenti pa nós alunus di Inglês, alunus ku difisiênsia i nós alunus na Edukason Alternativa, mas antis di trazi kualker kuza adianti, nu kré rivé dadus dés anu. Nós ikipas sta atualmenti ta avalia modi nu podi kria kaminhos di graduason ki ta alinha ku objetivu di maior dizimpenho pa nós graduadus i també ta rifliti diferentis nisisidadis edukasional di txeu di nós alunus.

Higher Ground realiza sé selebrason pa mostra isforsu bem-susididus di Family-Led Stability Initiative (FLSI), un inisiativa di impatu kuletivu únika fokadu na riduson di falta di moradia di alunus na skolas Públikus di Boston. Iventu també aumenta konsientizason i apoiu pa kiston di alunus sem-tetu i abordagem promissora di FLSI. Iventu marka impatu di Higher Grounds na prestason di apoiu 500 famílias, ki é um marka signifikativu.

21 di Junhu di 2023

M tivo prazer di sta prizenti pa surpriendi Alex Munoz, ki resebi Life Changer of The Year Award di National Life Group. É foi um di 15 vensidoris entri serka di 900 kandidaturas. Alexis sta na Edison K-8 School em Brighton a más di 6 anos. El é um inkrível Edukador Antis di Skola, ABA duranti dia skolar i Diretor di Prugrama Akadêmiku Jovem Rainha i Rei na Edison K-8. É ta trabadja 11 oras pur dia. É ta bai além pa tudu alunus, na fika ti tardi pa buskada mas tardi di alunus. É també Mentor Akadêmiku, Mentor di Transformason, Mentor di Jovens, Treinador di Basketibol i Tutor. É ta trabadja na prugrama di difisientis imusional na Edison K-8 a anos. É ta lida ku alunus ki ta fugi, briga, grita/fala altu i alunus na IEPs tudu dias. Sempre é ta manti um surizu kalorozu na kara. Sés alunus i kolegas di trabadju partilha pamodi ki é meresi txeu di és prêmiu.

Grita pa Turma di 2023 i tudu nós ikipa ki ta pussibilita tudu formaturas. M tivo prazer di partisipr di serimônias di formatura na Margarita Muniz Academy, TechBoston Academy, New Mission, Boston International Newcomers Academy entri otus, undi M odja menbrus di Kumison di Skolas por aí.

Sima nu ta tirmina final di anu letivu, M kré oferese alguns reflexons sobri alguns di nós realizasons na midida ki nu ta konstrui un novu bazi na várius áreas-xavi pa BPS. Na primeiro lugar, M sta istremamenti orgulhozu di kuze ki nu fazi komu ikipa és anu. Novu ikipa i strutura organizasional. Nós é 119 skolas ku más di 12.000 funsionárius, mas nha objetivu é ki nu muda komu um distritu. Un ikipa ta dirigi kada sala di aula, kada alunu, kada skola disblokia grandeza interior.

Un di kuzas di ki más M tem orgulhu és anu é investimentus i konstruson di nós Mudelo Rigional. Nu ten stadu kapazes di apoia midjor nós skolas i maximiza apoio direto di gabeti sentral pa nós kumunidades di skolas. Através di strutura rigional, nós Superintendentis di skolas organizara ikipas di treinadoris di gabeti sentral i funsionarius operacional pa presta apoio pa sés rigion di skolas. És anu, nu odja ki 80% di dirigentis di skolas inkiridus ki ta xinti têm un komprienon klaru di modi ki sés ikipas rigional i ligasons podi apoia sés Planus di skolas di Kualidadi.

Pa nós Skolas di Transformason, nos kumprimenu ta garantr ki és ten apoio adisional além di mudelu rigional di nós Gabeti di Transformason, i M kré partilha un brevi atualizason sobri alguns pontus di dadus imergentis komu parti di nós kumprimissu di SIP ku rilatórius trimestral di monitoramentu di prugressu. Prátikas komu rivizon minusiosa di Planus di 90 Dias di skola i Rondas Instrusional trimestral atual ta djuda manti um foku konstanti na kuríkulu i na prátika instrusional na sala di aula. Sima nhos sabi, nu ten akumpanhadu di pertu dadus au longu di anu na áreas di instruson, klima skolar i assiduidadi. Alguns di nós dadus di final di anu sta dispunivil i nu podi odja sinal di prugressu.

Na frenti di assiduidadi, imbora ainda tem txeu midjorias nisisárius, 26 di 28 Skolas di Transformason ta mostra un midjor frikuênsia em kumparason ku anu passadu. Globalmenti, Skolas di Transformason reduzi absentismo króniku na sinku pontus persentual és anu

Piskizas di Klima di Prufisores mostra midjorias na Skolas di Transformason na 6 di 7 katigurias mididus, i na verdadi ta mostra klassifikasons más altus em Lideransa Skolar, Feedback i Coaching i Efikásia di Gabeti Sentral di ki na Skolas sem Transformason. Bu podi odja

21 di Junhu di 2023

evidências di midjoria di kondisons na alguns di perguntas di piskiza di amostra dadus na sés slides.

Piskizas di Klima di Alunus ta mostra klassifikasons similhantis na tudu tipus di skola pa sentimentu di pertensimentu i involvimentu di alunus, mas mostra un nisisidadi di midjoria na sensu di siguransa di alunus na Skolas di Transformason.

Piskiza Student Klass Feedback ta indika ki maioria di nós alunus ki ta frikuenta skolas di Transformason xinti ki é mantidus na altas ispetativas pa sés prufisor. Keli é ikivalenti a rizultadus di Distritu.

Inkuantu nu ta spera dadus di avaliason di alunus na final di anu, nu ta atisipa alguns áreas di prugressu i nu ta spera um foku ainda más intensivo na prátika na sala di aula i na aprendizagem di alunus na próximu anu. Di um modu geral, indikadoris di prugressu ta mostra ki nós stratégia i nós apoiu sta rizulta. Pa asilera midjoria, nu sta ansiozus pa alinha i fortaleci ainda más nós treinamentu instrusional na sala di aula komu un área di foku na Skolas di Transformason na próximu anu. Nu ta kontinua ta da atualizasons trimestral sobri prugressu i kressimentu na nós Skolas di Transformason.

També nu sta impenhadus na garanti ki alunus di tudu distritu ten apoiu di ki és mesti. BPS tem odjadu um aumentu na númeru di alunus atendidus através di nós programa di menturia akadêmika, ku más di 300 alunus di 6° ao 12° anu ta partisipa. També nu ta kontinua ta da abitason permanenti pa muitas famílias ki ta vivi sem abrigo através di nós parseria ku Boston Housing Authority.

Djuntu, també nu ta kontinua ispandi oportunitadís pa nós alunus di Ensinu Médio através di lansamentu di nós Planu di Ensinu Médio. És anu, na sinku skolas sikundárias BPS, nu inskrevi alunus na novi Early College Pathways distintus. També nu anunsia lansamentu di 13° anu na Fenway High School, dandu pa alunus um anu kompletu adisional di kursus di nívil universitáriu sem dívidas na midida ki és ta fazi tranzison pa fakuldadi i asilera pa um diploma. Na trabadja ku nós parseiros sindikal, nu lansa ikipas di planiamentu di inkluzon na más di 20 skolas és anu pa dizinvolvi i implimenta oportunitadís más inklusivus pa alunus.

També nu ta trabadja ku sindikato i nós líderes di skolas pa dizinvolvi um planu di implimentason na kada skola ku foku na séries K0-K2, 7° i 9° anu pa SY24-25. També nu fazi investimentus pa ispandi asesu pa prugramason na língua nativa i nu sta kumesa plania adisiona más prugramason na próximus anus letivus. Na midida ki nu ta kontinua ta konsentra na alfabetizason ekuitativa, nu fazi um investimentu na material didátiku di alta kualidadi ki é aprovaðu i izigido na tudu skolas i na 30 intervensionistas di leitura adisional implantadus sentralmenti pa apoia nós alunus.

Na transporti, nu ta kontinua fazi prugressus na implimentason di midjorias na tudu sistema, inkluidu um foku na kontratason pa lida ku motoristas di autokaru i monitora ifisiensia di funsionarius. Dés di inísio dés mês, Transdev sta totalmenti ikipadu ku motoristas di autokaru. Transdev també tem más di 30 motoristas ainda na formason i implimenta sé prugrama internu di formason CDL, pa garanti ki nu sta totalmenti ikipadus ku motoristas pa próximu anu letivu. També nu kontrata más di 170 monitores di autokaru na anu passadu i nu ta kontinua ta

21 di Junhu di 2023

konsentra na monitora kontratasons, pa podi rizolvi ifisiensia di funksionarius remanessenti pa monitores.

També nu fitxa várius di nós kontratus kuletivus és anu. Nu sta gosi em dia ku kuazi tudu nós kontratus, algo ki ka kontisi á anus, i nu kumesa plania próxima ronda di negosiasons.

Pa último, nu ten fazedu txeu trabadju ku nós ikipa di Apoiu pa Alunu. M podia kontinua, mas keli é apenas alguns kuzas ki M sta realmenti orgulhozu inkuantu nu ta rifliti sobri és último anu. Ten un kuantidadi inkrívil di trabadju fazi – i M sta impenhadu na fazi és trabadju – keli é apenas inisiu. M ten onra di sirvi és distritu. M sta gratu pa és oportunidadi i intusiasmadu ku pussibilidadi na próximos anos.

Pa último, antis di M konklui nha rilatóriu, M kré rikunhesi ki keli é último riunion di Xefi di Prumuson di Família, Denise Snyder. É sta ta reforma i M ta serba negligenti si M ka partilha modi nós é midjor pa sé lideransa komu distritu. Kuze ki M realmenti M gosta más na Denise é sé kurason i paixon pa nós famílias. É sabi kuze ki é ser mãe li na distritu, dja ki é mesmu foi mãe duranti txeu anos. Tudu ki é ta fazi é fazedu ku intenson, kuidadu i konsiderason pa famílias i pais. M ta agradesi bu sirvisu i M sabi ki nós distritu é midjor pamodi pa sé lideransa i akonselhamentu au longu di anos. Obrigadu, Denisi, i ku keli M ta konklui nha rilatóriu.

Sr. Cardet-Hernandez sulisita dadus di rizultadus pa Skolas di Transformason. Diretor izekutivu di Transformason Skolar, Michael Sabin, fla ki BPS tem atualmenti 30 skolas di transformason, di kual kuantu é iligívil pa sai di status di transformason. El i sé ikipa sta atualmenti ta studa dadus MAP di fim di anu. É fla li, imbora skolas inteiras ka sta muvimenta na únissono na díreson um alto kressimentu i altu dizimpenho, és sta odja txeu pontus puzitivu na salas di aula individual i nívil di série. Ikipa sta analiza kuidadosamenti dadus na três áreas prioritárius di frikuênsia, klima skolar i dizimpenhu di alunus. Superintendenti fla ki Dr. Sabin i sé ikipa ta da pa Kumison um ata ki ten dadus di rizultadus di final di anu ki katigoriza skolas di transformason na uza verdi, amarelo i vermelho, ku aprezentasons más abrangentis pa sigui.

Sra. Lopera pergunta sobri funksionarius na skolas di transformason. Sr. Sabin fla ki skolas di transformason sta atualmenti serka di três pontus persentual a frenti di restu di distritu na taxa di preenximentu, na akrisenta ki apoiu di distritu pa skolas di alta nisisidadi sta bali pena. Sra. Lopera pergunta sobri impatu di vagas na putensial. Dr. Sabin fla ki distritu sta ta trabadja duro pa stabiliza prufisores i minimiza rotatividadi di funksionárius.

Sra. Polanco Garsia sulisita un atualizason sobri buska di distritu pa próximo diretor di Gabinete di Edukason Multilingue i Multikultural (OMME). Superintendenti fla ki sé ikipa sta na prusesu di sileson di kandidatus final pa prienxi kargus krítikus di Xefi di Edukason Spisial i di Xefi di OMME. Superintendenti Adjunta Sênior di Akadêmikus, Linda Chen, agradesi pa Forsa-Tarefa di Alunus di Língua Ingles pa sé apoiu i difeza.

21 di Junhu di 2023

Mr. O'Neill fla ki é ta spera resebi más dados di dizimpenho di alunus na skolas di transformason. É pidi pa Superintendenti ki fala sobri alguns di dizafius rilasionadus pa transformason di skolas. Superintendenti falasobri kriason di impulso, apoiu pa midjoris práttikas, kombati pa instabilidadi di funksionarius é un priokupason i prestason di apoiu kontínuo pa skolas ki sta di saida. Sr. O'Neill kompartilha ki é gusta di partisipa na formaturas di BPS na inísiu dés mês.

Sr. Cardet-Hernandez pidi pa Superintendenti ki é kompartilha sés pensamentus sobri disparidadis di kualidadi entri skolas di ensinu médiu pa luz di um artigo resenti na *The Boston Globe*. Superintendenti fala sobri kuartu prinsípius di sé vizon pa skolas sikundáriu BPS:

1. Rigor akadémiku
2. Parserias di apoiu pa skolas
3. Perkursus universitáriu i prufissional pa tudu
4. Instalasons di últimu gerason

Superintendenti akrisenta ki artigu di jornal ka aborda disparidadis ku fontis di finansiamentu isternus, komu fundasons skolares, ki é pidi pa Gabeti di Skolas Sikundáriu pa aborda. Sr. Cardet-Hernandez pergunta kuze ki sta kontidu na "garantia di kualidadi di RPB".

Superintendenti fla ki é ta aprizenta sé vizon di pós-graduason di BPS pa Kumison na és outono. Sr. Cardet-Hernandez infatiza importânsia di famílias ten asesu fásil informasons nisisáriu sobri ofertas di skolas.

Sra. Robinson pergunta modi ki distritu sta apoia skolas ku implimentason di rikizitus di graduason di MassCore. Superintendenti fla ki sé ikipa sta ta trabadja pa rizolvi dizafius di agendamentu i riuni tudu dados rilivantis. É fla ki BPS devi atendi pa nisisidadis únikus di aprendizagem di alunus na midida ki ta implimenta rikizitus di MassCore. Superintendenti Sikundáriu di Fakultadi, Kareira i Prontidon pa Vida, Ted Lombardi, splika modi ki sé ikipa passa últimu anu na apoia skolas inkuantu és ta fazi ajustes pa atendi pa rikizitus di MassCore. Ikipa sta ta isplora modi ki distritu podi ser más adaptativo pa djuda alunus ku más di idadi i menos kreditadus pa atendi a rikizitus. É fla ki distritu ta spera ten más dados na és outono ki ta ser uzadus pa ditirmina próximus passus. Sra. Robinson pidi pa distritu ki és considera normaliza investimentus na skolas di transformason si keli for nisisáriu pa sustenta susessu. Diretor financeiro, Nate Kuder, splika modi ki Projeto di Finansiamentu Skolar Reimagine di distritu sta ta riavalia modi ki BPS ta finansia skolas pa rifliti prioridadis di alunus i di famílias, apoia ekuitativamenti prugramason úniku na skolas i garanti un "garantia di kualidadi" na tudu skolas. Kumison Gestor di Kumunidade ta ten poderes pa rikumenda un pulitika di finansiamentu skolar pa Superintendenti, na alinhamentu ku Feramenta di Planiamentu di Ekuidadi Risial di BPS.

Aprovadu - Na votason nominal, Kumison aprova pur unanimidadi Rilatóriu di Superintendenti.

21 di Junhu di 2023

KUMENTÁRIU DI PUBLIKU EM GERAL

Sra. Robinson rikunhesi ki txeu pessoas ta inskreci pa fala sobri pruposta di konstrui un novu instalason pa O'Bryant School na kampus di antigo West Roxbury Edukation Komplex. É lembra tudu ki é un proposta, i ki BPS sta apenas na inísiu di um prusesu di involvimentu di kumunidade. É fla ki Kumison di Skolas leva sé risponsabilidadadi di konsidera pruposta muito seriamenti i fla ki tudu disizons devi ser sentradas na alunu.

Siguintis pessoas tistimunha sobri priokupasons sobri prusesu di rinovason di Boston Community Leadership Academy (BCLA)/McCormack School:

- Chris Denning, rizidenti di Hingham, menbru di Konselhu di Administrason di BCLA/McCormack School
- Paulina Vasquez, rizidenti na Dorchester, mãe di BCLA/McCormack
- Karen Olevitz, rizidenti na sul di Boston, mãe di BCLA/McCormack
- Davis Lewis, menbru di Konselhu di Administrason di BCLA/McCormack School
- Alma Forbes, menbru di Konselhu di Administrason di BCLA/McCormack School

Siguintis pessoas tistimunha sobri lideransa na Boston Latin Academy (BLA):

- Nicholas Ebisu, rizidenti di West End, profisor di BLA
- Nisa Harison, rizidenti em Dorchester, mãe di O'Bryant School of Math & Sscience i profisora di BLA
- Tristen Grannum, rizidenti na planísie di Jamaica i profisor di BLA
- Mary Dibinga, rizidenti di Roslindale i profisora di BLA
- Nisa Harison, rizidenti em Dorchester, mãe di O'Bryant School of Math & Sscience i profisora di BLA
- Shery Jackson, rizidenti di Newton, profisora di BLA
- Katie Mendosa-Hayes, rizidenti na Dorchester
- Sonya White Hopi, rizidenti na Fenway, profisora di BLA
- Manuela Medina, rizidenti na East Boston
- Izaiah Lawton, rizidenti di Dorchester, ex-alunu di BLA
- Aine Ni Cheallaigh Cook, rizidenti di Hyde Park, mãe i profisora di BLA
- Loktin Yao, rizidenti di Staghton, profisor di BLA
- Ann Chinchilla DeGeorgi, rizidenti em Roxbury, mãe di BLA
- Libbah Israel, rizidenti em Roxbury, ex-alunu di BLA

Siguintis pessoas tistimunha sobri priokupasons sobri pruposta di Superintendenti di realoka O'Bryant School of Math & Science pa lokal di antigo West Roxbury Edukation Komplex:

- Nicolette Pocius, rizidenti di Reveri, profisora di O'Bryant
- Aparna Lakshmi, rizidenti di Roslindale, profisora di O'Bryant
- Ann Braga, rizidenti di Mattapan, mãe di O'Bryant
- Dinah Shepherd, rizidenti na planísie di Jamaica i mãe di O'Bryant
- Nora Paul-Schultz, rizidenti na planísie di Jamaica i profisora di O'Bryant
- Rahul Dhanda, rizidenti di Dorchester i pai di O'Bryant

21 di Junhu di 2023

- Rahul Dhanda, riziidenti di Dorchester i pai di O'Bryant
- Rahul Dhanda, riziidenti di Dorchester i pai di O'Bryant
- Sadiki Kambon, riziidenti di Roxbury, Black Community Information Center Inc.
- Eve Harmon, moradora di Mission Hill, defensora di kumunidade
- Sonal Patel, riziidenti di sul di Boston, pai di O'Bryant
- Chanel Shearer, riziidenti na Dorchester, mãe di O'Bryant
- Eugenia Corbo, riziidenti di East Boston, mãe di Umana Academy
- Mauryn Calderon Perkins, riziidenti di Roslindali, ex-aluna di O'Bryant i mãe
- Liza Cagua-Koo, riziidenti di Roslindali, mãe di O'Bryant
- Betsy Yoshimura, riziidenti di East Boston, mãe di Umana Academy

Mike Heichman, riziidenti di Dorchester, menbru di Boston Edukation Justice Alliance (BEJA), tistimunha sobri invistigason di edukadoris di kor.

John Mudd, riziidenti di Cambridge, defensor di kumunidade i menbru di Forsa-Tarefa di Alunus di Língua Ingles, tistimunha sobri prioridade di alunus multilingues i multikultural ku difisiênsia.

Marc Seiden, riziidenti di Los Angeles, ex-prufisor di Boston Arts Academy (BAA), tistimunha em apoiu pa nomeason di BAA em omenagem pa kofundadoras Carmen Tores i Linda Nathan.

Travis Marshall, riziidenti di Roslindali, pai di English High School i di Bates Elementary School, tistimunha sobri lakunas di oportunitade na ensinu médio.

Emerson Miller, morador di Dorchester, avô di Dearborn School, sulisita rekonsiderason di disizon di aseitason di izami di sé neto.

Deirdre Manning, riziidenti di Dorchester, mãe di Henderson K-12 Inklusion School, tistimunha ku priokupason sobri pulitika di admison di skolas di izami.

Carolyn Shadid Lewis, riziidenti na planísie di Jamaica, J.F. Pais di Kennedy Elementary School, tistimunha sobri inseramentu di Mission Hill K-8 School.

ITENS DI ASON

Aprovadu - Na votason nominal, Kumison aprova pur unanimidade subsídus pa aprovason ku total \$3,754,624.

Aprovadu - Na votason nominal, Kumison aprova pur unanimidade doason na spésie di kits di material skolar di Visit.org ku um valor total estimadu di US \$20,000.

Aprovadu - Na votason nominal, Kumison aprova pur unanimidade um Ata di Akordu entri Assosiason di Administradoris i Supervizoris di skolas di Boston (BASAS) i Kumison di Skolas di Boston pa piriudu di 1º di Sitenbru di 2020 31 di Agostu di 2022.

21 di Junhu di 2023

Aprovadu - Na votason nominal, Kumison aprova pur unanimidadi um Ata di Akordu entri Assosiasion di Administradoris i Supervizoris di skolas di Boston (BASAS) i Kumison di Skolas di Boston pa piriudu di 1° di Sitenbru di 2022 31 di Agostu di 2024.

Aprovadu - Na votason nominal, Kumison aprova pur unanimidadi um pididu di dotason suplementar pa anu Fiskal di 2023 (AF23) ao Konselhu di Sidadi di Boston na valor di US\$1,705,142 pa apoia Ata di Akordu entri BASAS i Kumison di Skolas di Boston pa piriudu di 1° di Sitenbru di 2022 31 di Agostu di 2024.

Sra. Robinson fazi un brevi atualizason sobri prusesu di avaliasion di dizimpenhu di superintendenti pa Anu letivu 2022-2023. Entri prinsipais risponsabilidadi di Kumison di Skolas di Boston és kontratason, supervizon i avaliasion di Superintendenti. Superintendenti Skipper ainda ka tivi um anu kompletu na sé novu funson – és data ta txiga na Otubru di 2023 - mas, di akordu ku sé kontrato, Kumison devi fazi un avaliasion artis di inísiu di próximu anu letivu.

Avaliasion tem kuartu komponentis:

1. Objetivus akordados
2. Un autoavaliason konduzida pa superintendenti
3. Avaliasions individual di menbrus
4. Avaliasion sumativa baziadu na és avaliasions individual, dipos di di votason sobri avaliasion.

Superintendenti ta da Kumison sé autoavaliason ti final di Julhu, na riunion iextraordináriu ki ta ser agendadu em brevi. Kumison ta aprizenta inton sé avaliasion sumativa di Superintendenti na dia 30 di Agostu, artis di inísiu di novu anu letivu.

Kumison ta avalia em rilason a seis metas ki és aprizenta na Otubru passado, di akordu ku orientasons dadus pa strutura di DESI, kompostau pa kuartu padrons: lideransa instrusional; giston i operasons; involvimentu di família i di kumunidadi; i kultura prufissional.

Seis objetivus di Superintendenti é:

- Prioriza i Asilera Dizimpenho Akadêmiku
- Riforsa Asesu pa Aprendizagem Sosioimusal
- Agiliza operasons i garantindo siguransa di alunus
- Dizinvolvi Práticas Autêntikas di Involvementu Familiar i Kumunitáriu
- Midjora Kumunikason Interna i Isternu ku Famílias i Funsionarius
- Aumenta Risponsabilidadi di Gabinete Sentral i di nós Skolas

Prizidenti sulisita pa Dr. Alkins ki liderasse prusesu di avaliasion, ku apoio di Vice-Prizidenti O'Neill Depois ki kada menbru di Kumison skrevi sé própria avaliasion, Dr. Alkins i Sr. O'Neill ta kompila rizultadus na un avaliasion sumativa. Keli ta ser kompartilhadu ku tudu menbrus di Kumison, bem komu diskutido publikamenti pa garanti ki tudu aspetos-xavi di avaliasion for

21 di Junhu di 2023

inkorporadus antis di un votason final di Kumison sobri avaliason geral, ki ta kontisi na 13 di Sitembru.

Sra. Robinson agradesi pa Dr. Alkins i pa Sr. O'Neill pa apoia és importanti trabadju. É ispresa sé gratidon pa Superintendenti pa aserta isforsus pa leva distritu adianti i pa sempre kuloka alunus na sentro di tudu disizons.

Sra. Robinson enserou sés kumentáriu na rikunhesi dizafius di últimos anos, ki ta inklui pandemia i múltiplas tranzions di lideransa, i na afimra ki ainda ten txeu trabadju pa ser fazedu. É inkuraja tudu pa fazi sés própriu autoreflexon duranti veron.

Sra. Robinson confirmou pa Sr. Cardet-Hernandez ki menbrus di Kumison ta konduzi sé avaliasons individual di dizimpenho di Superintendenti depos di resebbi sé autoavaliason.

NOVUS ASSUNTUS

Sra. Lopera pergunta quando Kumison devi spera resebi un atualizason di OMME i di Forsa-Tarefa ELL. Superintendenti fla ki sé ikipa sta na fazi final di intrivistas pa Xefi di OMME. Si um kandidato final for silisionado, é ta kompartilha un atualizason na próximas simanas ou ta kompartilha próximas etapas. Sra. Robinson fla ki Forsa-Tarefa ELL, Forsa-Tarefa Oportunidadis i Lakunas di Realizason i Konselhu Konsultivo di Pais di Edukason Espesial di Boston (SpEdPAC) ta fazi aprizentasons pa Kumison na inísiu di outono.

Sr. Cardet-Hernandez pergunta sobri kronograma di ingajamentu pa pruposta di realokason di Skola O'Bryant. Superintendenti fla ki distritu realiza un riunion kumunitária sobri assunto ontem i ki Sekretaria di Planiamentu di Kapital ta realiza un série di reunions au longo di próximos meses. É afirma ki é prevê aprizenta un pruposta kompletu pa Kumison na meadus i na final di outono. Sr. Cardet-Hernandez fala sobri importânsia di partilha um kronograma klaro ku kumunidade, mesmu ki for un proposta. É pergunta sobri kronograma pa nomeason di um novu menbru di Kumison pa prienxi vaga deixada pela Sra. Lopera. Sra. Robinson fla ki Prefeitura ta rializa buskas di akordu ku diretrizes di stadu. É ispresa otimismo di ki um novu menbru ta ser nomeadu ti outono, si não antis.

Sr. Cardet-Hernandez pidi pa distritu ki és rikolha i kompartilha informasons sobri vagas previstas.

Sr. O'Neill agradesi pa Sra. Lopera pa sés perguntas di sondagem sobri kistons di infraestrutura i pa sé sirvisu pa alunus i famílias di Boston.

FIN

**Riunion Virtual di Kumison di Skolas di Boston
Zoom**

21 di Junhu di 2023

Aprovadu - Pur volta di 8:55 p.m., kumison vota por unanimidadi, pur votason nominal, adiamentu di riunion.

Atesta:



Elizabeth A. Sullivan
Sikritáriu Izekutivu